



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 39. Justiniani Venetorum Oratoris ad Cæsarem oratio.

---

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)



ferret, cui Cæsar id, quod præplaceret, inscriberet, salva duntaxat miserorum civium vita, utpote qui ejusdem clementiam implorarent, rogarentque, ut in fidem suam reciperet urbem, quæ Cæsareæ suæ Majestatis pietati, atque magnanimitati salutem, libertatemque suam unice se debere, semper professura esset. Ceterum adeo insolita erat oratio, quæ a Veneto Oratore in hac occasione pronunciata fertur, necnon apud Guicciardinum legitur, ut eam huc referre operæ pretium ducamus, quamvis non desint Scriptores Veneti, qui eam in dubium vocant, ac Guicciardinum calumniæ, & falsitatis postulant, eamque ab hoc Auctore Italo ex proprio cerebro confictam, quam plurimis rationum momentis demonstrare conantur.

Sæcul. XVI.  
A. C 1509.

Jo. Bapt.  
Leoni.  
Petr. Just.  
l. II2.  
Spond. hoc.  
ann. num. 4.

§. XXXIX.

*Justiniani Venetorum Oratoris ad Cæsarem oratio.*

Igitur Justinianus adducto Scipionis Africani, Alexandri, Cæsaris, aliorumque exemplo, qui clementia, ac moderatione celebriores, quam armis evasere, Maximilianum quoque Imperatorem ad parem lenitatem flectere nitebatur, eumque, ut illorum vestigiis inhæreret, instanter rogabat, hanc in sententiam per-

Guicc. hist.  
Ital. lib. 8.

*Hist. Ecclesiast. Tom. XXXII. D orans,*



Sæcul. XVI orans, Cæsar augustissime, minime inter po-  
 A.C. 1509. stremas laudes id tibi adscribetur, si cum vi-  
 ctoriam adversus Venetos in potestate tua  
 habeas, quam humanæ res caducæ sint,  
 memor, ea moderate uti noveris, magis ad  
 pacis studia, quam ad dubios belli eventus  
 propensus. Quanta enim rerum humana-  
 rum constantia sit, quam incerti casus,  
 quam dubius, varius, fallax, obnoxiusque  
 periculis sit mortalium status, satis super-  
 que docet Venetorum Respublica, quæ pau-  
 lo ante florens, clara atque ita potens erat,  
 ut ejus nomen & fama in extremis quo-  
 que Orbis terræ terminis magno cum plau-  
 su resonaret, hæc eadem nunc unico, eoque  
 levi adverso prælio eversa, atque omnium  
 rerum, ac præsertim consilii egens ita cor-  
 ruit, ut omnis pristinae virtutis imago  
 consenuerit, omnisque armorum ardor de-  
 ferbuerit. Sed falluntur Galii, si hæc pro-  
 priæ virtuti tribuunt; antehac enim Veneti  
 semper ex victis victores facti sunt; idem  
 & nunc sperassent, nisi Majestatis tuæ tre-  
 mendo nomine, copiarumque tuarum invicta  
 virtute, nulla non modo vincendi sed ne  
 obsistendi quidem nobis spes relicta fuisset.  
 Quapropter Principis, Senatus, populique  
 Veneti nomine, humili devotione supplices  
 oramus, obtestamur, atque obsecramus, ut  
 clementiæ oculis res nostras afflictas respice-  
 re digneris, iisque salutarem medicinam as-  
 ferre, omnes pacis leges, quas tu nobis im-  
 posueris,



posueris, amplectemur: omnes justas, honestas, & ab æquitate, rationeque minime alienas ducemus. Ad te verum, & legitimum Principem omnia, quæcunque Majores nostri Sacro Imperio, & Austriæ Ducatui ademerunt, redeant; quibus ut decentius veniant, omnia quæcunque in continenti possidemus, adjungimus, quarum rerum jurebus quocunque modo partis cedimus. Præterea quotannis Majestati tuæ & legitimis Imperii Successoribus in perpetuum quingenta auri pondo tributum nomine pendemus. Defende nos, quæso, ab illorum, cum quibus paulo ante arma nostra conjunximus, insolentia, quos nunc sævissimos hostes experimur, qui nihil aliud expetunt, quam Veneti nominis interitum. Tua ista clementia conservati, Te Urbis nostræ Parentem, genitorem, conditoremque appellabimus. Cetera hujus sermonis non nisi amplas Cæsaris laudes, ac calamitosi, quo Respublica fluctuabat, status descriptionem complectebantur, ut Imperator ad protegendos Venetos eorum submissione flecteretur.

§. XL.

*Cæsar ad Venetorum preces inexorabilis.*

Verum orationi huic optatus non respondit eventus; quippe Imperator

æcal. XVI.  
A.C. 1509.

*Spond. ad hunc an. n. A.*

D 2, prospe-